

'Bawa Hasmah dating di KL'

Sinar Harian - 24/11/2019 m/d: 9

Dr Mahathir luang masa cuti hujung minggu bawa Siti Hasmah keluar bersiar-siar

SYAIRAH ABDUL LAJIS

KUALA LUMPUR



Beberapa keping gambar menunjukkan Dr Mahathir dan isterinya Dr Siti Hasmah berjalan-jalan dan minum di sekitar Kuala Lumpur semalam.

Perdana Menteri, Tun Dr Mahathir Mohamad mengambil kesempatan pada cuti hujung minggu bersantai bersama isteri tercintanya, Tun Dr Siti Hasmah Mohamad Ali.

Beliau berkongsi perkara itu di Facebook rasminya dengan memuat naik beberapa keping gambar mereka berdua.

"Sekali sekala bawa Hasmah 'dating' di Kuala Lumpur (KL)." tulisnya.

Menerusi gambar itu, Dr Ma-

hathir juga dilihat memandu sendiri kereta jenama Proton ke ibu kota bersama isterinya.

Pasangan romantis itu juga meluangkan masa menjamu selera di sebuah kafe dipercayai di Jalan Bukit Bintang.

Rata-rata netizen menyifatkan keutuhan cinta mereka dalam melayari bahtera rumah tangga semenjak tahun 1956

membuatkan mereka sangat se-rasi dan *sweet couple*.

Netizen turut mendoakan pasangan ini sentiasa dalam keadaan sihat dan sentiasa bahagia.

Kata seorang pelayar laman sosial tersebut yang bernama Azie, "Semoga Tun berdua dalam lindungan ALLAH, sihat walafiat dan sentiasa diberikan kebijaksanaan dalam mentadbir negara."

"*Sweet couple* semoga diberkati dan diberi kesihatan yang baik. Amin," kata Che Deng.

"*So sweet*. Semoga dilimpahi rahmat buat Tun suami isteri," kata Noor Ezdiani Zainal Abidin pula.

Sementara itu, @miy.cjom menulis, "Bravooo, PM kita masih boleh drive lagi. Semoga PM dan isteri Tun Siti Hasmah berbah-

gia di sentiasa sihat walafiat hendaknya. Tumpang happy Tun.

Sehingga jam 3 petang semalam, posting itu mendapat 55,900 tanda suka dan 2,000 komen dari netizen.

Hantaran tersebut turut mencuri tumpuan penyanyi nombor satu negara, Datuk Seri Siti Nurhaliza Tarudin yang memberi komen berbentuk emoji hati.